



# SKÓLABLAÐIÐ

# SANDKORN



Skólabláðið

# SANDKORN.

GEFID ÚT Í SANDGERÐISSKÓLA,  
Maí 1970.

- Ritnefnd:  
MARTEINN, ritstjóri,  
Ágúst,  
Gunnlaugur,  
Lára,  
Kristjana,  
María Ól.

- Skreytingu  
önnuðust:  
Þóra Kristín og Vignir.



## Ritstjórarabb

Jæja, góðir hálsar, þá fáið þið að sjá  
þetta ágæta blað. Eins og þið vafalaust sjáið strax  
og þið flettið blaðinu, þá er það mjög vel gert að  
öllu leyti, enda gefið út í Sandgerðisskóla!

Ég vil benda ykkur á að lesa blaðið vel,  
því að það er án efa besta blaðið, sem kemur út á  
þessu ári.

Að lokum vil ég mælast til þess, að sem  
flestir skrifi í blaðið á næsta skólaári (þ.e.a.s.  
ef blaðið kemur út!). Ég vona að þið hafið það gott  
í sumar og verðið góðu börnin.

Ritstjóri.

# KLÆÐABURÐUR UNGLINGA

Klæðaburður unglinga nú á dögum er eins og þegar amma var ung. Mér finnst þetta svo smart klæðnaður, en ekki eru allir á sama máli. Auðvitað finnst gamla fólkinu þetta alveg agalegt en það er ekkert að marka röflið í þeim.

Fötin, sem unga fólk er í, eru öll í stælnum, því að allir reyna að tolla í tízkunni, t.d. að vera í dragsiðum kápum af ömmu gömlu með síða trefla lafandi utan á sér, í útvíðum buxum og með sjal á herðunum. Þó eru margar enn í stuttu tízkunni, því að hún er ekki horfin úr sviðsljósinu. Víða, þar sem maður kemur, eru stelpur í síðum kápum. Þetta átti að minnsta kosti að vera nógu hlýtt, svona yfir veturinn, þannig að mömmurnar þyrftu ekki að vera að skammast yfir því að maður klæddi sig ekki nógu vel.

Mér finnst þetta nokkuð áberandi klæðnaður, en hver veit nema maður eigi eftir að verða svona síðklæddur.

Og hvað þarf gamla fólk að vera að rexa í því þóttunga fólk klæði sig eftir tízkunni. Það var einu sinni ungt. - Etli það hafi verið nokkuð betra?



S. K.

# VINUR MINN

Einn af vinum mínum heitir Logi Jónsson. Hann er dálítið skritinn og ætla ég að reyna að gefa ofurlitla lýsingu á honum. Hann er mjög þrekinn, enda þykir honum bæði gott og gaman að borða. Hann er með stórt höfuð og stór og kringlótt augu. Nefið er eins og kartafli og köllum við það kartöflunef.

Skapið í honum er misjafnt. Hann er mjög gamansamur og skemmtilegur, en á það til að rjúka upp, en gefi maður honum eitthvað að borða, verður hann blíður sem lamb. Þótt hann sé dálítið feitur, getur hann synt og hlaupið hratt. Annars þarf hann lítið að synda, hann getur hvort sem er ekki sokkið - hann flýtur bara. Logi er ágætur í íþróttum eins og spjótkesti og kringlukasti. En fótbolta getur aumingja Logi ekki spilað. Það harmar Logi samt ekkert. Hann er ánægður með allt hitt.


Námið á skólanum getur verið erfitt, en ekki fyrir Loga, og getur hann verið stoltur af því. Hann er mjög námfús og er með hæstu nemendum, ef ekki hæstur í sínum skóla. Á miðsvetrarprófinu var hann með aðal-einkunnina 9,20. Hann er mjög stríðinn, en annars besta skinn. Og betri og skemmtilegri vin er ekki hægt að fá.

Gunnar Ingi.

## STAKA.

Ef þú hittir ungan mann reyndu, ef þú getur að bregða fæti fyrir hann svo þér líði betur.

Teini.



# VÍSUR

## MAGGA

Magga hans Summa,  
veiðir oft krumma.

Þarna er nunna,  
og líka stór tunna.



## RIÐ

Sáuð þið hann Kella?  
Hann fór til Malla,  
og svo hittu þeir Palla.  
En hvað varð um Halla?



## ÞARI

Litla fjara,  
ég heiti Klara.  
Ég vil bara  
þinn góða þara.



Margrét S. 4.G.

# Stutt ferð

Einu sinni var maður, sem hét Teini Armstrong. Hann ætlaði til tunglsins í sumarleyfi. Hann keypti sér eldflaug, sem hann skírði Apparalong. Hann fékk sér klofstigvél, gúmmibuxur, plastpoka og gúmmihanzkz. Úr þessu bjó hann til plastföt. Svo fékk hann sér glerkrukku og setti á hausinn á sér og þá var hann tilbúinn. Til vonar og vara tók hann með sér vatnsbyssu, baunabyssu og teygjubyssu. Síðan lagði hann af stað.

10-9-8-7-6-5-4-3-2-1-0 Búmmmm!



Eldflaugin þaut af stað út í kolsvartan geiminn. Eitt sinn sprakk á leiðinni. Það tók þrjá klukkutíma að gera við, því að bannsettur skruflykillinn flaut alltaf í burðu. Eftir fjóra daga lenti Apparalong á tunglinu. Teini fór í plastbúninginn og tók vatnsbyssu sér í hönd. Síðan opnaði hann rennihurðina og steig út. Það fyrsta, sem hann sá, þegar hann var kominn út var hundur með kattarhöfuð. Hundurinn hljóp af stað í áttina að Teina. Teini ætlaði að fara aftur inn í geimfarið en dyrnar höfðu övilljandi læstst að innan og lykillinn var inni. Hvað átti nú Teini að gera? Hundurinn var að koma og Teini læstur úti úr sínu eigin geimskipi.

(Frh. við tekið.)

Marteinn Magnússon.

# SKÓLASUNO



Allir bíða í röð þangað til rútan kemur. Loksins birtist hún allt í einu og allir reyna að ná sæti sem næst hurðinni, og síðan eða ekið af stað í átt til Keflavíkur.

Sumir reyna að halda uppi söng, en það tekst ekki of vel svo það talar hver í kapp við annan. Sumir tuskast á og klípa þá, sem standa fyrir framan. En nú er rútan komin alla leið inn að sundhöll.


Þegar hurðin opnast troðast allir út til þess að verða fyrstir inn í sundhöll. Fyrst fara strákarnir ofani og síðan stelpurnar. Áður en nokkur veit af, er tími kominn til að búast í rúturnar á ný.

Þrátt fyrir ítrekaðar tilraunir til að fara í skipulega röð, fer allt á sömu leið og áður og það treðst hver sem betur getur. Skólastjórinn segir nokkrum að setjast, aðrir taka upp snúða, sem þeir hafa keypt sér. En þetta er svo fin rúta, að snúða-át er bannað, að sögn bílstjórans - og það þykir öllum mjög leiðinlegt.




Rútan er komin til Sandgerðis. Sumir fara út hjá skólanum, en aðrir tínast smám saman úr bílnum á leið hans gegnum þorpið.

Sig. Baldursson, 5. bekk.



# SÖGUR



Einu sinni var strákur,  
sem hét Jossi.  
Hann var óþekkur í skólanum.  
Kennarinn setti hann  
upp á nagla.

Dórdís 8 ára.



Einu sinni svaf stelpa hjá mér, sem heitir  
Þóra. Hún svaf hjá mér í sófanum. Þegar ég  
vaknaði um morguninn, var  
hún komin inn í skáp og  
svaf þar.

Margrét 8 ára.



# GÓÐUR VINUR

Ég ætla að skrifa um hund, sem heitir Ringó. Ég fékk hann fyrir fimm árum, og þá var hann lítill hvolpur. Hann var mjög ærslafullur og lék sér alla daga. Uppáhaldsleikurinn hans var það, að ég lagðist á gólfið og fór að slást við hann með löppunum. Hann beit alltaf í sokkinum og reyndi að ná honum af mér. Þegar hann náði honum, hljóp hann (og ég á eftir) út um allt hús. Loks gafst hann upp og sleppti sokknum.

Ringó var haldinn þeim leiðinlega galla að vilja ekkert sælgæti, og svo var hann svo hræðilega matvandur - át eiginlega ekkert nema kindakjöt.

Um jólin komst ég að því, að hann er Gyðingur því að hann vildi ekki svínakjöt.

Ringó er með mjög mikið kálphjarta. Því til sönnunar ætla ég að segja sögu af honum: Eitt sinn (sem oftast) voru kindur fyrir utan húsið heima og Ringó var úti. Allt í einu rauk hann af stað og fór að gelta á kindurnar. Þá sneri ein rollan sér við og stappaði niður fótunum. Þetta nægði. Hundurinn hljóp sem byssubrenndur og inn fyrir girðingu, sem var þarna rétt hjá. Og þaðan galti hann eins og vitlaus veri.

X - X.




# Atomljóð

## Kvörtun

Skömm er að sjá  
slökkviliðið  
skröltast um götur hér.  
Það setti að kaupa  
slökkvibíl,  
og besta haginn hér.  
Sve eru þeir með handsnúin  
slökkvitaki,  
drasl frá átjándu öld.  
Þetta þarf að lagfæra,  
gera ný föng.

Pétur Brynjarsson, 5. bekk.



VISA.

Óli smiður,  
seztu niður,  
hér er viðyr,  
handa yður.

Ögmundur Einarsson,  
4.G.

# í sveit.

Í sumar fór ég norður í land . . . var þar í 2 - 3 mánuði. Ég gerði margt, til dæmis var ég í vist hjá frænda mínum. Ég fór líka á hestamannamót á Einarsstöðum í tvo daga. Þar var gaman. Ef þið viljið vita meira um mótið, getið þið skoðað blaðið HESTURINN OKKAR. En ég þekki ekkert nema hestamenn

Jóhanna 4. í.

# danmörk

Ég fer til Danmerkur í sumar. Ég fer í Dýragarðinn og Tívoli. Þar er gaman að vera. Ég fer til ömmu í Danmörku, þar er gaman að vera líka. Það kostar mikla peninga að fara til Danmerkur.

Michael, 1. G.



## Í LEIKHÚSINU.

Einu sinni var lítil stúlka. Hún var falleg. Hún hét Dimmalímm. Hún átti lítinn svan. Svanurinn var fallegur. Dimmalímm kom alltaf til svansins á hverjum degi. Pabbi hennar var kóngur og mamma hennar var drottning. Nú dó svanurinn og Dimmalímm fór að gráta. Þá komu varðmennirnir. Þeir spurðu Dimmalímm, hvað hefði gerzt. Hún sagði að þegar hún hefði komið í morgun til svansins, hefði hann verið dáinn. Þá er sagan búin.

Guðný, 1. G.

# BERNSKULEIKIR



Þegar ég var minni, átti ég mjög góða vinkonu. Hún hét Karen. Við vorum grannar og lékum okkur mikið saman. Einna minnisstæðast er mér, þegar við lékum okkur í bílskúrnum heima hjá henni. Við vorum búnað að laga ágætis bú, og þetta leit út sem allra besta hús. En þegar við skruppum frá og komum aftur var allt eyðilagt. Við grunuðum nú strákinn uppi á lofti- honum var trúandi til alls- en ekki samþykkti hann það. Við vildum komast til botns í málinu, og héldum því til skiptis vörð, en urðum brátt leiðar á því. Alltaf var búið að eyðleggja um morgunánn. Þá tókum við það til bragðs, að útbúa hurðina þannig, að þegar einhver gekk inn, þá steyptist fata full af vatni yfir hausinn á honum.

Daginn eftir kíktum við fyrst inn um gluggann og allt var á tjá og tundri. Við flýttum okkur inn ( Karen á undan) en hvað- - - ? fékk hún þá ekki fötuna á hausinn. Þetta var nú laglegt, en fatan hafði virkað rétt bara ekki á réttan mann. (Seinna komumst við svo að því, að við vorum ekki alltof góðir smiðir.)

En svo lengi lærir sem lifir. Það var okkar huggun.

S.K.





## Minnisstað bók



Besta bók, sem ég hef lesið var eftir Expó Slom. Hann var rússneskur í föðurætt en kínverskur í móðurætt. Hann á heima í Bandaríkjunum. Í blöðunum er hann alltaf kallaður atomskáld 20. aldarinnar.

Bókin, sem hann skrifaði heitir "Endalausá sagan". Hún er um gamla konu, sem er að lifa síðasta mánuðinn í lífi sínu. Sagan er þannig: Það var einu sinni gömul kona, sem vissi að hún átti að deyja eftir hálfan mánuð. Hún valdi sér þess vegna sjálf legstein, en vissi ekki hvað hún átti að láta skrifa á legsteininn. Eftir hálfan mánuð dó gamla konan og á legsteininum stóð: Það var einu sinni gömul kona, sem vissi að hún átti að deyja eftir hálfan mánuð. Hún valdi sér þess vegna sjálf legstein, en hún vissi ekki hvað hún átti að láta skrifa á legsteininn. Eftir hálfan mánuð dó gamla konan og á legsteininum stóð: Það var einu sinni gömul kona, sem vissi að hún átti að deyja - - - - .

1. bindi kom út í gær og það næsta kemur út á morgun. Næstu 3 ár koma út 3 bindi á viku og þau fjalla öll um gömlu konuna, sem vissi að hún átti að deyja eftir hálfan mánuð.

Marteinn Magnússon.

# Snjór

Af því að ég veit svo lítið, hvernig snjór myndast, þá stla ég bara að segja frá því, þegar hann er kominn niður á jörðina.


Það er sérlega skemmtilegt, þegar fyrsti snjórinn kemur á haustin eða veturna. Þá vilja flestir komast sem fyrst út í snjóinn til að hnoða, kasta eða bara borða.

Uppi á hálendi Íslands hverfur snjórinn stundum ekki allt árið um kring, það er kallað jöklar. Sumir jöklanna breyta sér ár frá ári og eru kallaðir skriðjöklar, en hinir, sem eru alltaf á sama stað, eru kallaðir hjarnjöklar.

Einu sinni var Ísland allt þakið jökli, það var kallað ísöld.

Snjórinn er gott byggingarefni t.d. á Grænlandi. Þar býr fólk í snjöhúsum meiri hluta ársins.

Þó að það sé gott að fá snjóinn, er samt miklu betra, þegar vorið kemur. Þá er líka svo stutt þangað til að skólinn er búinn.



# HYVAÐ VILTU VERÐA

# ?

Mig langar til að verða leigubílstjóri, þegar ég verð fullorðinn. Til þess þarf ég að gangast undir svokallað meirapróf bifreiðastjóra. Í þessu starfi verð ég að vera snyrtilega klæddur og vera kurteis við viðskiptavinum, opna fyrir þá hurðir, bera farangur þeirra og veita þeim alla þá aðstoð, sem mér er unnt. Einnig þarf ég að halda bifreiðinni þægilegri, hreinni og loftgóðri. Bifreiðin þarf að vera í góðu lagi.

Starfið er í því fólgið, að flytja fólk á áfanga- staði sína. Ástæðan fyrir því, að mig langar að stunda þetta starf er sú, að mig langar að vera í umferðinni og kynnast fólkinu.

Skúli 4.G.




# ÁRÍÐ 2012

Ég á heima á tunglinu og nú er árið 2012. Pabbi minn er dáinn en mamma mín er gift aftur. Hinn pabbi minn er ekkert skemati- legur, hann er alltaf að bila. Hann er nefnilega róbott. Eimu sinni drakk pabbi sig fallan og mamma varð að dala úr honum næstu dagana.

Einu sinni voru húsin ferköntuð, nú eru þau þríhyrnd. Enginn gerir neitt, því að allir eru með taki, sem prenta peninga. Langafi er nýdáinn, batteriin voru búin. Gafflarnir eru sjálfvirkir og sama er að segja um hnífana og skeiðarnar - allt er sjálfvirkt. Hurðirnar eru sjálfvirkar og gleraugun eru með innbyggðu sjón- varpi. Pabbi er að kaupa eldflaug, og mamma ætlar að kaupa sér róbott til að laga til. Já, svona er lífið árið 2012.

Óskar 4. G.





# VEIÐIFERÐ.

Ég ætla að segja frá því, þegar Hjalti, Þór og ég fórum eina ferð með bátnum Guðmundi Friðrikssyni G.K. 112, sem er 70 lesta bátur.


Við lögðum frá bryggju snemma morguns einn sólbjartan laugardag. Báturinn var á netaveiðu, veiddi aðallega þorsk.

Á leið á miðin fengum við að veiða. Strax þegar ég var búinn að renna, var bitið á hjá mér. Ég dró og dró, þangað til fiskurinn var kominn upp fyrir borðstokkinn. Sá ég þá að þetta var steinbítur.

Hjalti ætlaði þá að vera hjálpsamur og losa fiskinn af fyrir mig. Beitt þá helvítis steinbíturinn hann svo að hann spti upp.

Er við komum á miðin, var byrjað að draga netin. Aflinn var ágætur. Er hætt var að draga voru komin 17 tonn. Um kvöldið héldum við af stað heim, en þangað var um eins og hálf tíma sigling. Þessi ferð var mjög ánægjuleg.

Ó. A.



# STJÖRNUSPÁ

Hrúturinn (21. marz - 19. april) :

Búðu þig undir hið versta ef þú ætlar að lesa meira.

Nautið (20. april - 20. maí) :

Passaðu þig á kálfinum.

Tvíburarnir (21. maí - 20. júní) :

Ég vona að þú verðir búinn að jafna þig eftir prófin fyrir afmælið þitt.

Krabbinn (21. júní - 22. júlí) :

Hvers vegna reynirðu ekki að sofa á næturnar í stað þess að læra.

Ljónið (23. júlí - 22. ágúst) :

Það er margt líkt með þér og grasafræðingi, þið eruð jafn miklir grassasnar.

Meyjan (23. ágúst - 22. sept.) :

Ég ræð þér að fá þér nokkrar taugastyrkjandi töflur - áður en þú lest einkunnina -

*Vogin*  
Viglin

(23. sept. - 22. okt.) :

Farðu í megrun. Heillalitur innfrarauður.

Sporðdrekinn (23. okt. - 21. nov.) :

Þú ættir að reyna að koma í skólann fyrir kl. 8<sup>30</sup>.

Bogamaðurinn (20. nov. - 21. des.) :

Lestu Hróa Hött.

Steingeitin (22. des. - 19. jan.) :

Varaðu þig á umferðinni.

Vatnsberinn (20. jan - 18. feb.) :

Hlustaðu ekki á stjörnuspár.

Dorskarnir (19. feb. - 20. marz) :

Aumingja þú, sem hefur þurft að lesa alla þessa þvælu, - áður en þú komst að þorskinum.

